

有關學生自殺委員會果份報告, 一個字, 超正, 你地委員會話分析了過去三個學年 71 宗本地學生自殺個案主要因學業壓力而輕生時, 你同我講, 學生自殺呢, 大都由多個複雜原因互相影響造成的, 例如精神健康、家庭關係、適應、負面思維、缺乏社交支援問題等, 個案以男性較多, 大部分自殺前有先兆, 部分有精神健康問題, 拿尼句係我 COPY 你地委會落尼, 無屈你地架, 點呢, 果 71 單你地分析, 結果係, 同學業無關?

其實你地尼班人, 知唔知而家D學生果D壓力大成點? 我知你地係唔知架, 唔係點會當田北辰話: 「現在的學生要留校 10 小時, 平均要做 7 至 10 項功課, 假期更被發 23 項功課!」我地偉大的局長會回應指已向學校反映問題, 認為功課量過多情況已不存在。他更聲稱: 「如果有 23 項(功課)的話, 請拿(證據)出來」。證據? 叫佢得閒上下其他人 FACEBOOK, 大把家長 POST 出尼啦, 咪成日掛住去日本啦, 況且, 日本係可以上 FACEBOOK 又唔洗爬牆。

一個小學生, 可以由朝早 7 點起身返學一路做功課溫書到 11 點, 你話佢地無壓力? 你話唔關教育制度事? 點呢, 係唔係個小朋友日日鬼上身, 之後大叫, “我好鐘意返學呀”. 唔洗講咩啦, 個 TSA 炸, 你搞到幾多小朋友無覺好訓呀!! 你又知唔知呢? 幾多學校為左操尼個 TSA, 要 D 小朋友日日留堂補習呢? 幾多家長又因為你尼個 TSA 搞到日日陪 D 小朋友無覺好呢? 你地教育局仲好意思講, 全港家長都贊成, 我話比你知, 全香港最少一名家長反正, 果個就係我, 點呢, 你諗住唔當我係家長定唔當我係人呢。

份報告入邊, 我唔見有話到教育局或教育制度出左問題, 反而將問題推比學校, 家長同朋友, 大約叫佢地, 多 D 關心朋友啦, 唔好比佢地自殺呀, 搞埋 D 咩《快樂孩子約章》, 內容係提升家長在培育子女方面的效能, 協助家長及早識別子女的情緒問題, 及提升子女的正向思維。個小朋友係自己, 有多幾個會唔想小朋友開心成長先, 唔洗你講, 我都想佢快樂啦, 而家係你地成日搞埋 D 無聊野, 搞到佢唔快樂呀. 唔洗講咩, 有報導指出, 有學校連食飯時間都唔比玩, 極速食完就操 TSA 等等, 尼 D 只有快無樂呀。

另外一個問題, 你話比錢出尼”防止學生自殺”, 你地以為真係比錢可以搞掂? 比大拿拿 150000, 每間學校可向優質教育基金申請不多於 150,000 元, 以推行與「好心情@學校」計劃相關的活動。仲有係 2016 年 3 月 21 日, 立法會教育事務委員會針對學生自殺問題, 召開特別會議。教育局長吳克儉指考慮到事件的急切性, 遂決定特事特辦撥款 500 萬元, 短期內向全港公營及直資中小學, 向每校提供 5,000 元「家庭與學校合作計劃特別津貼」, 資助家長教師會為家長及學童舉辦家長講座及親子活動等支援學生心理健康成長的活動。你地到底係唔係生活係香港, 尼 D 錢, 可以做到咩? 一間中小學, 估計大約 1300-1500 人連學生教師, 150000, 每人分得百零蚊, 有咩可以搞呢? 果 5000 仲好笑, 買部 PS4 都用晒啦. 你要用錢去解決, 唔該你, 每間學校長註 1-2 名社工啦, D 社工, 一個星期得果 1 日係度, 成間學校成千人, 點幫到咁多同學呢? 你今日尼個同學仲可能未出現大問題, 但幾日可能突然受到 D 唔知咩問題就尼料, 如果你認為用錢, 可以解決到問題, 不如用錢, 請多 D 社工, 真真正正坐係學校啦。

有樣仲好笑, 咩”守門人”計劃, 完全將個波推得一干二淨. 總之你個”守門人”守住, 佢就唔會自殺啦. 我話比你知, 咁仲大獲, 如果有個人, 上完你尼個咩守門人計劃後, 有人同佢傾完計, 果個人都去自殺, 可能傾計果陣無話過想死架, 最後可能連個守門人都自殺架, 點解, 大佬, 內疚架, 我明明讀完架啦, 點解我仲唔了解佢想自殺呀。

唔該你地用完個腦先出報告, 如果咁簡單可以分得出, 邊個想自殺, 邊個準備自殺, D 人洗咁貴讀同睇心理醫生咩, 上你果 D 咩計劃咪得 LA, 到時 D 心理醫生真係自殺呀啦, 比幾十萬讀完原來連小學生都識.

最後對於尼份報告, 我會話, 不知所謂, 垃圾, 射波!!

俞志達上.